

Šukar aljan ko Moderna Museet

O Moderna Museet isi ole jek kotar e Evropakere hembare khedina taro moderno hem akanutne vakteskere džankerutne (umetnikane) buča, othe isi bare buča maškar o javera taro Henri Matisse, Niki de Saint Phalle hem Salvador Dalí. Akala khedina tane umetnost kola preperena e Moderna Museeteske, othe isi makhle buča, skulpture, instalacije, filmija hem video, crtiba hem grafike taro švedikane hem internacionalikane džankerdžije (umetnikija) taro 19 –to šelberšiba pa dži avdive. Ko khediba isi hem fotografije hem fotobazirimo džankeriba (umetnost) taro 1840 berša pa akari. Akala barvale khedina sikavela pe ka sa o berš hem čhivena pe redovno te umlan o khedina. Ko jekvakti sikavela pe sakovar (uvek) disavevakteskere (privremena) izložbe taro bare umetnikija hem javera interesna umetnikane proektija.

E Muzeje isi jek pendžarutno restoranti kotar so dikhela pe prema o Djurgården. I dučana dela jek baro biriba taro ljila hem dezajnirime buča. Ki butikeribaskorothan (radionica) isi programi e čhavage.

O Moderna Museet tano jek raštrano (državno) muzeji so isi ole dindo buti te khedel, arakhel hem te sikavel o umetnost taro 1900 hem 2000 berš ko sa o forme.

Avrutne skulpture

O Moderna Museet tano kerdo ko Stockholmeskoro maškar ko ostrovo Skeppsholmen kori so e muzejeskere avrutne skulpture tane but cenime (kučerde) taro o trujalipa (sredina) . Othe šaj dikhea skulpture ko misal *Hajbe sabaluko ko zelenipa* Pablo Picasso, *Paradisi* taro Niki de Saint Phalle hem Jean Tinguely a isto adžahar *O štar elementija* taro Alexander Calder.

Historia

O Moderna Museet phravdilo ko 1958 berš ko kher kote so avdive bešena o Arkitektur- och designcentrum. Ko 1998 phravdilo sine o nevo objekti, kova so sine crtimo taro španikano arhitekti Rafael Moneo. Ko 26 decembar 2009 phravdilo hem o Moderna Museet Malmö. O Moderna Museet tano jek muzeji so isi ole hembut vizitorija ki Švedija.

Keda ka kere vizita ko Moderna Museet, ma bistre kaj:

Ka ovel tuke šukar hem te ove inspiririmo taro umetnost (džankeriba).

Amare muzejeskere kheradžije (domaćinija) odgovorinena ko pučiba.

Na tromana te dolen o umetnikane buča, jek najeskoro doliba šaj te ruminel e umetnikane bučengoro than.

O Fotografiribe tano mukhlo keda isi umlalsikaviba (izložbe) ko sale ama bizo blici.

Nane mukhlo te vakerel pe ko mobilno telefoni ko umlalsikavibaskere sale, ko auditoriumi hem ko bioskopi.

Dumoskoro gono našti phiravela pe ko dumo, šaj phiravela pe ko vast ja pale anglal ko vogi.

Čadorija ja pale selfiranika našti ingarena pes andre ko umlalsikavibaskere sale.

O hajbe hem pijbe tano mukhlo ko restoranti hem ki kafiterija, na ko umlalsikavibaskere sale.

Vizitakiri adresa

Skeppsholmen, Stockholm.

Aftobuzi 65 taro Centralstationen.

Telophuvdžali (Tunnelbanan) dži ko Kungsträdgården.

Panidžali (brodi) taro Slussen hem Djurgården, nilaeske hem taro Nybroviken.

Phravde sikaviba

Ikerela pe buteder var ko kurko. Dža ko modernamuseet.se bašo datum hem vakti.

O sikaviba khuvela na koštinela ekstra, odova džala andre ki kartakiri taksa.

Kontakti

Telefoneskoro genj: 08-5202 3500

MODERNA MUSEET

www.modernamuseet.se